

INDEX COLLOQVIORVM

Colloquium I	<i>Mārcus, Iūlia</i>	11
Colloquium II	<i>Dēlia, Libanus</i>	13
Colloquium III	<i>Dēlia, Syra, Aemilia, Iūlia</i>	14
Colloquium IV	<i>Syra, Dāvus, Iūlius</i>	16
Colloquium V	<i>Iūlius, Dāvus, Mēdus</i>	18
Colloquium VI	<i>Mēdus, Iūlius, Dāvus, Syrus, Lēander, Ursus</i>	20
Colloquium VII	<i>Dōrippa, Lȳdia, Mēdus</i>	22
Colloquium VIII	<i>Iūlius, Aemilia, Flōra, Iūlia</i>	24
Colloquium IX	<i>Faustīnus, Rūfus</i>	27
Colloquium X	<i>Iūlia, Syra</i>	29
Colloquium XI	<i>Sextus, Fabia</i>	32
Colloquium XII	<i>Mīles, Cornēlius, Mēdus</i>	34
Colloquium XIII	<i>Medicus, Syrus, Iūlius, Aemilia, Syra</i>	37
Colloquium XIV	<i>Aemilia, Iūlius</i>	40
Colloquium XV	<i>Mārcus, Iūlia, Aemilia, Iūlius, servī</i>	43
Colloquium XVI	<i>Dōrippa, Lepidus, Lȳdia, Mēdus</i>	45
Colloquium XVII	<i>Iūlia, Mārcus</i>	49
Colloquium XVIII	<i>Sextus, Mārcus, Titus</i>	53
Colloquium XIX	<i>Fabia, Cornēlius</i>	57
Colloquium XX	<i>Diodōrus, Tlēpolemus, Symmachus</i>	61
Colloquium XXI	<i>Diodōrus, Symmachus, Sextus</i>	67
Colloquium XXII	<i>Dōrippa, Sanniō, Albīnus</i>	71
Colloquium XXIII	<i>Iānitor, Tlēpolemus, Dāvus</i>	74
Colloquium XXIV	<i>Diodōrus, Symmachus, Tlēpolemus</i>	76

PERSONAE

Aemilia, uxor Iūlii
Albinus, tabernārius
Cornēlius, dominus
Dāvus, servus Iūlii
Diodōrus, lūdī magister
Dōrippa, amīca Lȳdiae
Fabia, uxor Cornēlii
Faustīnus, pāstor
Flōra, puella
Iānitor Iūlii
Iūlia, puella, fīlia Iūlii et Aemiliae
Iūlius, dominus
Lēander, servus Iūlii
Lȳdia, amīca Mēdi
Mārcus, puer, fīlius Iūlii et Aemiliae
Mēdus, servus Iūlii
Mīles Rōmānus
Quīntus, puer, fīlius Iūlii et Aemiliae
Rūfus, agricola
Sanniō, iānitor
Sextus, puer, fīlius Cornēlii et Fabiae
Symmachus, medicus
Syra, ancilla Aemiliae
Syrus, servus Iūlii
Titus, puer
Tlēpolemus, servus Diodōri
Ursus, servus Iūlii



COLLOQVIVM SEPTIMVM

Persōnae: Dōrippa, Lȳdia, Mēdus

Dōrippa, quae amīca Lȳdiae est, amīcam suam interrogat: “Quis est amīcus tuus?”

Lȳdia respondet: “Amīcus meus est Mēdus.”

Dōrippa: “Estne vir Rōmānus?”

Lȳdia: “Nōn Rōmānus, sed Graecus est amīcus meus.”

Dōrippa: “Habitatne Rōmae?”

Lȳdia: “Mēdus nōn Rōmae, sed prope Tūsculum habitat.”

Dōrippa: “Quid est Tūsculum?”

Lȳdia: “Tūsculum est oppidum in viā Latīnā nōn procul ā Rōmā. Mēdus in villā prope Tūsculum habitat.”

Dōrippa: “Villamne habet amīcus tuus?”

Lȳdia: “Nōn Mēdus, sed dominus eius habet villam.”

Dōrippa: “Āh! Servus est amīcus tuus! Meus amīcus, Lepidus, nōn est servus. Pater eius villam habet et māgnam pecūniam.”

Lȳdia: “Mēdus bonus servus est et bonus amīcus, quī mē sōlam amat.”

Dōrippa: “Cūr amīcus tuus Rōmam ad tē nōn venit?”

Lȳdia nōn respondet.

Dōrippa: “Quia in villā multae sunt ancillae fōrmōsae...”

Lȳdia: “Quid?”

Dōrippa: “Amīcus tuus nōn sōlum tē, sed etiam ancillam amat!”

Lȳdia: “Tacē, Dōrippa!”

Colloquium VII

Pulsātur ōstium.

Lȳdia: “Intrā!”

Mēdus ōstium aperit et intrat.

Mēdus: “Salvē, mea Lȳdia! Ecce amīcus tuus,
quī sōlus Rōmam ad tē venit.”

Lȳdia: “Ō amīce, salvē!”

Mēdus laetus ad Lȳdiam adit et eī multa ōscula
dat. Lȳdia verbīs et ōsculīs Mēdī dēlectātur.

Lȳdia: “Ecce Dōrippa. Salūtā eam!”

Mēdus sē vertit ad Dōrippam eamque salūtāt: “Salvē, Dōrippa!”

Dōrippa Mēdum salūtāt: “Salvē, serve!”

Mēdus Lȳdiam interrogat: “Estne Dōrippa ancilla tua?”

Lȳdia: “Dōrippa nōn est ancilla, neque amīcus eius servus est.”

Mēdus: “Neque tuus amīcus servus est, Lȳdia.”

Lȳdia: “Quid? Ubi est dominus tuus?”

Mēdus: “Iūlius in villā est apud servōs suōs — neque is iam
meus dominus est!”

Lȳdia laeta sē vertit ad Dōrippam: “Audī, Dōrippa: amīcus meus
iam servus nōn est.”

Dōrippa: “Neque ancilla est amīca tua!”

Dōrippa irāta per ōstium exit. In viā ante ōstium
videt Lepidum, amīcum suum. Lepidus autem

Dōrippam nōn salūtāt neque ab eā salūtātur,
nam is cum ancillā fōrmōsā in viā ambulat!

Lepidus ancillae ōsculum dat!

Dōrippa discēdit. In oculīs eius lacrimae sunt.

